

名丑未辰戌土之位也故爲五行之墓万物皆歸於土故配丑未辰戌是日尤惡百事莫用之

〔長秋記〕長承三年十月十六日辛卯上皇女院於仁和寺令始熊野御精進給上皇田中殿女院此院共二品親王御房也

例年於鳥羽殿有此事而於今度彼殿依方角忌秋節間無其儀

已剋參院先是左武衛別當祇候別當相語云來廿日御進發也件日雖五墓日前例多存由宗憲所勸申也云々

〔台記別記〕久安四年十月五日己未範家來復命曰正月於東三條天子加冠十九日出自同宮朝法皇

還東洞院宮其夜可迎女以西方屋三字爲女御之廬即問可巡檢彼廬之日於晴道天文權博士對曰十四

日可但五墓後問周憲漏刻在憲對曰五墓非無其忌二十四日可矣三人不成勸文

四廢日

〔本朝世紀〕久安三年三月八日辛未權大納言藤宗輔卿參仗座欲行軒廊御卜官寮參仕爰權天文博

士安倍晴道申云今日四廢日也御卜可有憚陰陽頭賀茂守憲朝臣申云四廢日御卜例康和四年二

月六日辛卯也晴道申云凡卜雖多禁日子日及四廢日尤可忌之至于急事者別事也上卿此旨被申

攝政仍延引了四年四月三日庚寅內大臣藤原賴長參仗座定申齋王禊前駢事參議藤忠雅卿書定

文附藏人右少辨藤光房被內覽次被行軒廊御卜是祇園寶殿燒失事也權天文博士安倍晴道申云

今日四廢日也御卜條可有憚歟雖然粗有先例之上急速事不可默止之由上卿被仰陰陽頭守憲權

助憲榮等申有先例之由

空亡日

〔簾篋內傳〕小空亡日

- 一晝 四夜 八晝 十一夜 十五晝 十八夜 二十二晝 二十五夜 二十九晝

右今小空亡日者太歲南門番神也爰有七人所謂諸恙鬼諸災鬼諸患鬼諸惱鬼諸苦鬼諸病鬼諸

疾鬼等也第一諸恙鬼者惡鬼也兩角尖如夜叉有人家墻壁下致萬事障礙故尤厭之魔王者也

同空亡時事